



Mwauwasa

Toleo no: 0006 October - November, 2024 www.mwauwasa.go.tz

Monthly Newsletter

WAZIRI AWESO AFUNGUA MKUTANO WA MWAKA WA RASILIMALI WATU, UTAWALA, MAENDELEO YA JAMII, MAWASILIANO NA UHUSUANO WIZARA YA MAJI



Waziri wa Maji Mhe.
Jumaa Aweso



WAZIRI AWESO AFUNGUA MKUTANO WA MWAKA WA WATAALAM RASILIMALI WATU, UTAWALA, MAENDELEO YA JAMII, MAWASILIANO NA UHUSIANO WIZARA YA MAJI

“

Waziri Aweso alisisitiza kutambua nafasi na umuhimu wa kila Kada pamoja na kuendelea kufanya kazi kwa umoja, upendo na kuzingatia Weledi.

Waziri wa Maji Mhe. Jumaa Aweso amefungua Mkutano maalum wa Wataalam wa Utawala na rasilimali watu, Maendeleo ya Jamii pamoja na Mawasiliano na Uhusiano wa Sekta ya maji uliofanyika katika ukumbi wa NSSF Mafao House Jijini Dar es Salaam kwa siku tatu.

Akizungumza wakati wa ufunguzi wa Mkutano huo

uliolenga kuwakumbusha na kuwajengea uwezo wa masuala mbalimbali ya kiutendaji Wataalam hao, Waziri Aweso alisisitiza kutambua nafasi na umuhimu wa kila Kada pamoja na kuendelea kufanya kazi kwa umoja, upendo na kuzingatia Weledi ili kuhakikisha wananchi wanaendelea kupata huduma bora na muhimu ya maji na kutimiza dhamira ya Mhe. Rais Dkt

Samia Suluhu Hassan ya kumtua mama ndoo ya maji kichwani.

Mkutano huo maalum wa Mwaka umefanyika kwa siku 3 kuanzia Novemba 14 hadi 16 ukiwakutanisha Wataalamu hao kutoka Sekta ya Maji nchini kwa Kaulimbiu isemayo “Rasilimali Watu ni chachu ya maendeleo endelevu katika sekta ya maji”

MWAUWASA NA NEMC

WAJADILI KUHUSU UTUNZAJI WA MAZINGIRA

Kaimu Mkurugenzi Mtendaji wa Mamlaka ya Majisafi na Usafi wa Mazingira Mwanza (MWAUWASA) Neli Msuya ametembelea Ofisi za Baraza la Taifa la Hifadhi na Usimamizi wa Mazingira (NEMC) Jijini

Dar es Salaam kwaajili ya majadiliano kuhusu uhifadhi wa Mazingira katika uwekezaji wa miundombinu ya usambazaji maji Mkoani Mwanza.

Katika Ziara hiyo iliyofanyika Novemba 15, 2024, Mkurugenzi Neli

alipokelewa na kufanya majadiliano na Kaimu Mkurugenzi Mkuu wa NEMC Lilian Lukambuzi ambapo majadiliano hayo yalijikita katika kubadilishana uzoefu na kuimarisha ushirikiano wa kiutendaji.





ELIMU YA USAFI WA MAZINGIRA SHULENI

Mamlaka ya Majisafi na Usafi wa Mazingira Mwanza (MWAUWASA) imetoa elimu kwa Wanafunzi wa shule ya Msingi Sahara iliyopo kata ya Pamba Wilayani Nyamagana pamoja na shule ya Msingi Mwenge iliyopo kata ya Nyamanoro Wilayani Ilemela. kuhusu faida na namna bora ya kuzingatia Usafi wa Mazingira ikiwemo kutunza miundombinu ya vyoo ili kusaidia kujilinda na Magonjwa ya mlipuko.

Kaimu Mkuu wa Kitengo cha Mawasiliano na Uhusiano MWAUWASA Bi. Vivien Temu ameeleza kuwa, Matumizi yasiyo sahihi na uharibifu wa miundombinu na mifumo ya Majitaka husababisha athari kubwa kwa jamii.

“Miundombinu ya Majitaka isipotunzwa na kutumika kwa usahihi husababisha

“Elimu ya utunzaji wa Mazingira hasa Majitaka imekuja kwa wakati sahihi na ni elimu inayopaswa kurithishwa, kwa kuanzia na hawa Wanafunzi wadogo kunawasaidia kujijengea tabia endelevu na kuchukua majukumu ya utunzaji wa Mazingira.

iba chemba kuz-
kwa mifumo
na mifumo
ya Majitaka jambo ambalo husababisha
uharibifu wa Mazingira na mlipuko wa
Magonjwa ya kuambukiza,”

Nae Mwalimu Wilson Kunju aliishukuru

MWAUWASA kwa kutoa elimu hiyo na kusisitiza kuwa Wanafunzi wanatakiwa kuwa mabalozi kwa kufikisha elimu hiyo kwa wanafunzi wenzao na jamii wanayoishi.

“Elimu ya utunzaji wa Mazingira hasa Majitaka imekuja kwa wakati sahihi na ni elimu inayopaswa kurithishwa, kwa kuanzia na hawa Wanafunzi wadogo kunawasaidia kujijengea tabia endelevu na kuchukua majukumu ya utunzaji wa Mazingira. Mkawe mabalozi wema katika hili mkiwa nyumbani na hata Shuleni,” alisema Mwl. Kunju

MWAUWASA inaendelea kuwasisitiza Wananchi kuzingatia kanuni za Usafi wa Mazingira hasa kipindi hiki cha Mvua ili kuepusha uchafuzu wa Mazingira unaoweza kuhatarisha afya ya jamii kwa ujumla.



KAMATI TENDAJI

UMOJA WA VYAMA VYA WAFANYAKAZI SEKTA YA MAJI NCHINI YAKUTANA MWAUWASA KWA AJILI YA KIKAO NA KUTEMBELEA MIRADI

Kamati tendaji ya Umoja wa Vyama vya wafanyakazi imekutana na kufanya kikao cha pamoja kujadiliana maandalizi ya Mkutano ujao wa Viongozi wote wa vyama vya wafanyakazi Sekta ya maji Tanzania bara.

Kikao hicho kilichofanyika katika ofisi za MWAUWASA Novemba 15, 2024 pia kilihusisha ziara ya kutembelea Mradi wa maji Butimba kwa lengo la kuvuna ujuzi na kubadilishana uzofu katika masuala mbalimbali.

“Tumefurahi sana baada ya kikao tumepata fursa ya kutembelea Mradi wa maji Butimba na tumejionea mengi ya kujifunza kupitia mradi huu unaofanya kazi kwa Teknolojia ya kisasa kabisa, kuanzia maji yanayozalishwa na yanavyotibiwa.

Tunaipongeza Serikali inayoongozwa na Mhe. Dkt. Samia Suluh Hassan kwa utekelezaji wa Mradi huu mkubwa kwa kweli ni mradi wa mfano kwa Tanzania bara”,

ameeleza ndugu Adolf

Henjewele naibu katibu kamati tendaji kutoka DAWASA

Nae Katibu wa Kamati tendaji ya umoja wa vyama vya wafanyakazi sekta ya maji Tanzania bara Mhandisi Gombela H Swila alishukuru kamati kwa kuamua kufanyia kikao MWAUWASA

na kuamua kufanya ziara ya kutembelea mradi wa maji Butimba.

“Tumefarijika sana na ugeni huu kwani tumepata muda wa kupanga mikakati wa vyama vyetu na pia wageni wetu kujionea mambo mbali mbali yahusio Mradi wetu wa Butimba.



SEKTA YA MAJI MWANZA

YAKUTANA NA WIZARA KUJADILI UTEKELEZAJI WA MIRADI YA KIMKAKATI

“

Mradi wa kimkakati wa Visima 900, miradi mingine ya kimkakati iliyojadiliwa nipamoja na miradi ya ujenzi wa miundombinu ya usambazaji maji katika maeneombalimbali mkoani Mwanza inayotekelezwa na MWAUWASA.



Sekta ya Maji Mkoa wa Mwanza ikijumuisha Mamlaka ya Majisafi na Usafi wa Mazingira Mwanza (MWAUWASA), RUWASA Mkoa wa Mwanza, Bodi ya bonde la ziwa Victoria pamoja na Maabara ya maji Mkoa wa Mwanza, wamekutana kujadili kuhusu utekelezaji wa miradi ya kimkakati inayolenga kuimarisha upatikanaji wa huduma ya maji kwa wakazi wa Mkoa wa Mwanza.

Mkutano huo uliofanyika Novemba 21, 2024 umewakutanisha Wawakilishi kutoka

Wizara ya Maji pamoja na Viongozi na Wataalam wa Sekta ya maji Mwanza kujadili tathimini ya utekelezaji wa miradi hiyo ikiwa ni pamoja na Mradi wa kimkakati wa Visima 900 unaotekelezwa ili kuwafikia wakazi wa maeneo yasiyofikiwa na huduma ya maji.

Mbali na mradi wa kimkakati wa Visima 900, miradi mingine ya kimkakati iliyojadiliwa ni pamoja na miradi ya ujenzi wa miundombinu ya usambazaji maji katika maeneo mbalimbali mkoani Mwanza inayotekelezwa na MWAUWASA, RUWASA Mkoa wa Mwanza

pamoja na Bodi ya maji bonde la ziwa Victoria.

Aidha, katika Mkutano huo Sekta ya Maji Mkoa wa Mwanza imewasilisha taarifa ya utekelezaji wa miradi hiyo ya kimkakati kwa Wawakilishi wa Wizara ya Maji na kubainisha mafanikio na changamoto zinazojitokeza katika utekelezaji wa miradi ili changamoto hizo ziweze kupatiwa ufumbuzi na kufanikisha utekelezaji wa miradi hiyo inayotarajiwa kuleta matokeo chanya kwa wananchi wengi zaidi.



MWAUWASA MONTHLY NEWSLETTER

Jamhuri ya Muungano wa Tanzania Wizara ya Maji

Mamlaka ya Majisafi na Usafi
wa Mazingira Mwanza (Mwauwasa)



0800110023



Mwauwasa



Mwauwasatz



Mwauwasatz



www.mwauwasa.go.tz